

PENDIDIKAN AKIDAH LUQMAN AL HAKIM : ANALISIS DALAM KONTEKS PEMBANGUNAN MODAL INSAN

Oleh : Suhanim Abdullah & Rosnaaini Hamid

Abstrak

Pendidikan akidah Luqman al-Hakim merupakan satu elemen yang amat penting dalam pembangunan insan. Ia berkaitan dengan kaedah untuk mendidik anak-anak mengenai hubungan dengan Allah. Pendidikan berteraskan akidah ini dijelaskan dalam surah *Luqman* ayat 13, 15,16 dan 17. Artikel ini membincangkan pendidikan akidah yang digunakan oleh Luqman al-Hakim dalam mendidik anaknya meliputi larangan syirik, suruhan melaksanakan taubat dan *inabah*, kepercayaan kepada hari akhirat dan suruhan menunaikan solat. Pengumpulan data dilakukan melalui kaedah dokumentasi yang terdiri daripada rujukan al-Quran, al-Hadis, kitab tafsir, buku dan ensiklopedia. Data dianalisis menggunakan kaedah induktif, deduktif dan komparatif. Hasil kajian mendapati pendidikan akidah yang dilaksanakan oleh Luqman al-Hakim sangat berkesan terhadap anaknya. Implikasi kajian mencadangkan agar ibu bapa mencontohi amalan Luqman al-Hakim yang menekankan pendidikan akidah dalam proses pembentukan modal insan.

Kata kunci : Pendidikan akidah, Luqman al-Hakim, amalan, hubungan dengan Allah.